

## **Uunga siunnersuut:**

### **Ilulissani ukiuunerani imeqarfiup killeqarfiani, UNESCO-p nunarsuarminiunut kingornussarititaani aamma UNESCO-qarfiup killeqarfiani tassunga atasumi angallanneq pillugu nalunaarut**

Avatangiisinik innarlitsaaliuineq pillugu inatsisartut inatsisaanni nr. 9-mi, 22. novembari 2011-meersumi, kingusinnerusuttut Inatsiartut inatsisaatigut nr. 16-ikkut, 1. decembari 2021-meersukkut allannguuteqartinneqartumi § 10, imm. 1, nr. 6, 20 aamma 27, § 11, § 28, imm. 3, § 34, nr. 1 og 2, aamma § 56, imm. 1, kiisalu pinngortitamik illersuineq pillugu Inatsisartut inatsisaanni nr. 29-mi, 18. decembari 2003-mi § 39, imm. 5, aamma § 46, imm. 1 aamma 2 naapertorlugit aalajangersarneqarput:

#### *Atuuffia*

§ 1. Nalunaarut manna Ilulissani imeqarfiup killeqarfianut atuutsinneqarpoq.

*Imm. 2.* Nalunaarut manna aamma Ilulissani UNESCO-p nunarsuarminiunut kingornussarititaanut killeqarfinnullu tassunga attuuttunut atuutsinneqarpoq.

#### *Qamuteralaat illiniliuutillu atorlugit angallanneq*

§ 2. Kommunalbestyrelsip tamanut nalunaaruteqarnerani angallavittut illiniliat 4 meterinik silissusillit, ilanngussami takuneqarsinnaasut iluanni qamuteralaat illiniliuutillu atorlugit angalasoqarsinnaavoq.

*Imm. 2.* Imm. 1 naapertorlugu nalunaaruteqartoqassappat, piumasaqaatit uku naammassineqarsimassapput:

1) Nunap qaava qerisimasoq, apummik qallerneqarsimasoq, aammalu naasunik nunallu qaavanik akornusiisoqarsinnaajunnaarlugu angalasoqarsinnaasoq kommunalbestyrelsimit uppersarneqarpat.

2) Kommunalbestyrelsip illernit angallavissat piareersarsimappagit, aammalu ersarissumik nalunaaqtsersorsimappagit.

3) Angallannermi kuuit, imeqarfinnik pilersuisuusut ikaarlugit angallattoqalinnginnerani qerisimasut kommunalbestyrelsimit uppersarneqarpat.

*Imm. 2.* Angallannermut illiniliamut tungujortumut taarsiullugu angallannermut illiniliap tunguusap sapinngisamik atorneqarnissaa qulakkeerniarlugu kommunalbestyrelsi naammaginartumik iliuseqassaaq.

**§ 3.** Angallannermut illinniliat pisareersarneqarnerini nalunaaqutsersorneqarnerinilu suliassat, illiniliornermi pisariaqartinneqartuniittut kisimik suliarineqassapput.

*Imm. 2.* Ajutoornissaaq pinaveersaartinniarlugu kommunalbestyrelsi angallannermut illiniliani illiniliuutit atorlugit ingerlaavartumik manissaasassaaq.

**§ 4.** Angallannermut illiniliani ilanngussami takuneqarsinnaasuni angallannerit taamaallaat akuerineqarsinnaapput, piumasaqaatit uku malinneqarpata:

- 1) Qamutit assakaasullit nakkutigineqaratik qimanneqassanngillat.
- 2) Angallannermi naasut ajoquserneqarsinnaassanngillat, tassungalu ilanngullugu sakkortuumik sangunerit, sukkassarnerit uneriataarnerillu pinaveersarneqassapput.
- 3) Uuliamik tunisassiat akuutissallu allat mingutsitsinissamut ulorianaatillit uninngatinneqassanngillat.
- 4) Eqqakkanik qanorluunniit ittunik qimatsisoqassanngilaq.
- 5) Akuutissanik avatangiisinut ajoquusiinnaasunik assartuussisoqassanngilaq, tassanili ikummatissanik angalanermut atugassanik assartuussinerit pineqanngillat.
- 6) Qamuteralaat illiniliuutillu mingutsitsisinnaanerup sapinngisamik killilerlugit ilusiligaassapput aserfallatsaalineqassallutillu.
- 7) Hydraulikuuliamik pinngortitami arrorsinnaasumik atuisoqassaaq.

**§ 5.** Kommunalbestyrelsi angallattoqarsinnaanersoq pillugu tamanut paasissutissiinissamut pisussaapput.

*Imm. 2.* Kommunalbestyrelsi angallannermut, nalunaarummi matumani pineqartumut sukumiisunik piumasaqaateqarsinnaapput, taassumalu ataani angallanneq assartuussinermi siunertanut aalajangersimasunut killilersinnaallugu.

*Imm. 3.* Kommunalbestyrelsi tamanut naammaginartunik ilitersuissaaq, tassungalu angallannermut illiniliat atorneqarnissaat, mingutsitsinernik nalunaaruteqartarnissaaq aammalu mingutsitsisoqartillugu isumaginninnissamut kommunalbestyrelsip upalungaarsimanera pillugit paasissutissiinissat ilaatinneqarput.

*Nakutilliineq misissugassanillu tiguisarneq*

§ 6. Kommunalbestyrelsi angallannernik, nalunaarummi matumani pineqartunik nakkutilliisaaq.

§ 7. Naalakkersuisut kommunalbestyrelsip pisinnaatitaaffiisa suliassaasalu nalunaarut manna naapertorlugu isumagineqarnerinik, aammalu § 8 naapertorlugu imermik misissugassamik tigusarnerit ingerlanneqarnerinik nakkutilliissapput.

*Imm. 2.* Naalakkersuisut kommunalbestyrelsip pisinnaatitaaffiinut suliassaanullu sukumiinerusumik piumasaqaateqarsinnaapput, taakkunungalugu piumasaqaatit ukununga tunngasut ilaapput:

- 1) Angallannermut illinilianik piareersaaneq nalunaaqutsersuinerlu.
- 2) Inunnut tamanut ilitersuineq.
- 3) Upalungaarsimanermi pilersaarutit aamma mingutsitsinermik akiuiniarluni atortut.
- 4) Kommunalbestyrelsi nakkutilliinerata annertussusia ingerlanneqarneralu.

§ 8. Naalakkersuisut imermik akuiarneqanngitsumik imerneqarsinnaasumillu misissugassanik saniatigut tigusisarnissamut piumasaqaateqassapput. Imermi misissugassat tunngavissallu misissoqqissaagassat amerlassusissaat sukumiisut kommunalbestyrelsimut, Nakorsaaneqarfimmut, Kalaallit Nunaanni Nersutit Nakorsaqaarnermut Inuussutissanullu Oqartussaasut, kiisalu Nukissiorfiit siumoortumik tusarniaaffigereernerisigut aalajangersarneqassapput.

*Imm. 2.* Misissugassanik tigusisarneq imermut imerneqarsinnaasumut Namminersorlutik Oqartussat nalunaarutaanni misissugassanik tigusisarnermut piumasaqaatit naapertorlugit Nukissiorfinnit isumagineqassaaq.

*Imm. 3.* Kommunalbestyrelsip Nukissiorfiit misissugassanik tigusisarnermut aningaasartuutaat matussusissavai.

*Upalungaarsimaneq mingutsitsinernillu akiuisarneq*

§ 9. Kommunalbestyrelsi mingutsitsisoqartillugu isumaginninnissamut upalungaarsimanermut pilersaarusiisaaq.

*Imm. 2.* Upalungaarsimanermut pilersaarummi mingutsitsisoqartillugu imaluunniit mingutsitsisoqarnissaanut ulorianartorsiortoqartillugu pilertortumik pitsaasumillu suliniuteqarsinnaaneq qulakkeerreqassaaq.

§ 10. Suliat nalunaarummut matumunnga tunngassuteqartut mingutsitsinermik kinguneqarpata, tassungalu ilanngullugu uuliamik akuutissanilluunniit imerpalasunik navianaatilinnik allanik mingutsitsisoqarpat, kommunalbestyrelsi pisussaavoq erngerluni mingutsitsinerup pisup salinnissaa qulakkiissallugu.

§ 11. Mingutsitsisoqartillugu kommunalbestyrelsip piaarnerpaamik Naalakkersuisoqarfik avatangiisinut akisussaasuusoq nalunaarfigissavaa. Aamma imeqarfiup killeqarfiata iluani mingutsitsisoqarpat kommunalbestyrelsi piaarnerpaamik Nukissiorfinnut nalunaaruteqassaaq.

*Atuuttussanngortitsinermut aalajangersakkat*

§ 12. Nalunaarut manna xx. xxx 2024-mi atuutilerpoq.

*Namminersorlutik Oqartussat, ulloq xx. xxx 2024*

### **Kalistat Lund**

Nunalerinermut, Imminut Pilersornermut, Nukissiutinut Avatangiisinullu Naalakkersuisoq

/Natuk Lund Olsen

Ilanngussaq 2 Angallavissap assinga – nunap assinga immikkoortortalersugaq

Ilanngussaq 3 Angallavissap assinga – nunap assinga takussutissiaq